



Broj: 11-7.8-62/14- 4  
Sarajevo, 01.08.2014. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 6. 8. 2014.			
Organizaciona jedinica	Klasifikaciona oznaka	Redni broj	Broj priloga
01-50-1-15-68/14			1

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**ZASTUPNIČKI DOM**

Trg Bosne i Hercegovine 1, 71000 Sarajevo

**Predmet: Odgovor na poslaničko pitanje, dostavlja se;**

Vaša veza: Dopis broj 01/a-50-1-15-68/14 od 12.06.2014.godine

Dopisom broj 01/a-50-1-15-68/14 od 12.06.2014.godine tražili ste od Komisije za očuvanje nacionalnih spomenika (u daljem tekstu: Komisija) informaciju o nacionalnoj strukturi članova Komisije i trajanju mandata istih.

S tim u vezi obavještavamo vas o sljedećem:

- Shodno članu II.stav 1. Aneksa 8. Općeg okvirnog sporazuma za mir u Bosni i Hercegovini Komisiju čini pet članova, od kojih Federacija Bosne i Hercegovine imenuje dva, a Republika Srpska jednog člana, od kojih će svaki imati mandat u trajanju od tri godine, dok preostala dva su međunarodni članovi Komisije, koje je u prvih pet godina od osnivanja Komisije imenovao Glavni direktor UNESCO-a.
- Sukladno stavu 2. navednog člana, nakon prijenosa odgovornosti iz član IX. Aneksa 8. Općeg okvirnog sporazuma za mir u Bosni i Hercegovini, odgovornost za imenovanje članova Komisije je preuzelo Predsjedništvo BiH, koje je zadržalo navedeno strukturu članova Komisije (3 domaća i 2 međunarodna).
- Sukladno članu 2 .stav 2. Aneksa 8. Općeg okvirnog sporazuma za mir u BiH i članu 5. **Odluke o Komisiji za očuvanje nacionalnih spomenika (Službeni glasnik BiH broj 1/02 i 10/02)**

„Predsjedništvo BiH imenuje pet članova Komisije bez javnog konkursa. Članovi Komisije se imenuju za period od pet godina, uz mogućnost njihovog reizbora. Za člana Komisije može biti imenovana osoba koja posjeduje visokostručne kvalifikacije, potvrđene naučnim radom i drugim vidovima djelovanja koji to potvrđuju, uključujući angažovanje na očuvanju i zaštiti kulturno-istorijskog, vjerskog i drugog materijalno-civilizacijskog nasljeđa.“

- Dalje, na temelju člana 3. stav 1. Aneksa 8. Općeg okvirnog sporazuma za mir u Bosni i Hercegovini, „Komisija ima odgovarajuća sredstva i stručno osoblje, u

kojem generalno treba da budu zastupljeni predstavnici etničkih grupa koje čine populaciju Bosne i Hercegovine, a koje će kojoj joj pomagati u izvršavanju njenih dužnosti. Osoblje predvodi izvršni funkcioner kojeg imenuje Komisija “

- Shodno gore navedenom, imenovanje članova Komisije, za razliku od strukture osoblja u sekretarijatu, striktno formalno pravno nije uslovljeno principom „okvirne etničke/nacionalne zastupljenosti.“
- Temeljem stava 2. člana 2. Aneksa VIII. Općeg okvirnog sporazuma za mir u Bosni i Hercegovini Predsjedništvo BiH je odlukom broj 1-02-01 492/01 od 21.decembra 2001.godine i odlukom o izmjeni iste broj 01-011-17-34/02 od 21.02.2002.godine imenovalo mr. Amru Hadžimuhamedović, dr. Dubravka Lovrenovića, dr. Ljiljanu Ševo, dr. Tinu Wik i dr. Zeynep Ahunbay za članove Komisije.
- Odlukom Predsjedništva BiH br. 01-011-930-21/07 od 27.03.2007.godine («Službeni glasnik BiH», broj 43/07), odlukom br. 01-011-3556-19107 od 05.12.2007.godine («Službeni glasnik BiH», broj 98/07 produžen je mandat na period od pet godina prethodno imenovanim članovima Komisije, izuzev dr. Tine Wik koju je Odlukom Predsjedništva BiH broj 01-011-1496-41/08 od 26.06.2008.godine («Službeni glasnik BiH», broj 64/08) zamijenio dr. Martin Cherry.
- Domaći imenovani članovi Komisije se izjašnjavaju na sljedeći način:
  - I. Dubravko Lovrenović - Ostali
  - II. Ljiljana Ševo – Srпкиnja
  - III. Amra Hadžimuhamedović - Bošnjakinja
- Predsjedništvo BiH, istekom mandata članova gore navedenih članova Komisije 27.03.2012.godine nije razriješilo niti imenovalo nove članove Komisije. Na zahtjev Komisije, Ministarstvo pravde Bosne i Hercegovine je 15.03.2012.godine dalo stručno mišljenje broj 08-02-4-2401/12 prema kojem, u slučajevima kada nakon isteka mandata imenovanog zvaničnika procedura produženja mandata ili procedura razrješenja sa dužnosti i imenovanja novog zvaničnika nije okončana, prava, obaveze i ovlaštenja istih egzistiraju do okončanja postupka produženja mandata, odnosno razrješenja sa dužnosti.
- Shodno gore navedenom, mandat Amre Hadžimuhamedović, Dubravka Lovrenovića, Ljiljane Ševo i Zeynep Ahunbay zbirno traje 12 godina, a mandat Martina Cherry-ja 7 godina.

S poštovanjem,



Predsjedavajuća Komisije

Ljiljana Ševo

Dostaviti:

- naslovu
- a/a